

得書

隆慶四年河汾孔天胤撰

創建真武廟記

介之推之畸行郭有道之貞固宋文潞公之四朝元老  
猗歟盛哉我朝開科以來邑之舉於鄉者自永樂辛卯  
歷天順嘉靖迄隆慶丁卯科不乏人惟甲科自成化甲  
辰張翼登李曼榜進士之後百年來未有繼者每聞術  
士相傳謂縣之南綿山拱翠朱雀高明其北地平且下  
玄武卑弱須起樓臺觀閣以壯形勝然此議已久但風

水人所易忽而工費浩大竟無任事者萬曆八年新尹張公首重學校試生儒亟稱其文思蔚然而甲第久缺何也學諭樊志義司訓張思仁生員趙承恩等具以前所議對公喟然曰聞昔王子俊云天下之事雖非古始苟可以義起者君子亦有所不廢矧此議關一方文運槩縣輿情義之所在可但已耶遂卜日集師生名里中父老會議於明倫堂令好義者捐資助役時鄉民宋世邦李鳳王攀梁永恭等六十余人翕然響應各捐資不等銀至百兩以下至五六十或二三十兩者粟至百石以下至七八十或三四十石者報名附籍董友真捐園地五畝併易價六畝爲廟基僉舉老僧明曉焚修花緣於八年四月初一日經始正殿五楹兩廊各五楹二門三門各三間前西東西各僧院一所至十三年八月竣事自北郊延望巍峩煊赫與南山對峙實地靈人杰義有所取爾也雖是張公先以母憂去未觀厥成故茲勒石非特志廟之底績蓋追念公之遺愛不費公帑而成功兼土人之尙義不憚大作而致用庶幾登雋連茹之盛而堪輿家之說亦不可恃而可恃也已張公諱重恩

河南祥符縣隆慶庚午舉人  
萬曆十三年孝義梁明翰撰

重修廟學記

孔子之道與天地並悠久我朝重道崇儒遠過前代亦以並隆於天地是故冬郊夏社春秋孔廟視廖廖一曠舉者懸也至於廟貌沿革按體式合爻象肅聖祀起氣運以仰稱聖天子重道崇儒之盛意則有待乎賢守令焉介自渭南史夫子飾其廟廟後買民地展爲通衢勅建書院授業有堂育材有館科第陡發迄今籍甚皆其

出於門下者然院宇四角皆空基短垣榛蕪蔚殊不入大觀地復卑且濕積澇傾圯所存者腐材裂瓦夜不蓋星風來隱然欲動墻圍毀缺犬豕時時闖入穢踐其中邑尹壽張孫公惻於念思闡史夫子遺跡偕佐貳諭訓告諸士大夫鄉老首捐俸金三十兩仍醮諸尙義銀糾督工役始於甲寅之正月至乙卯之十月用告厥成其增基三尺而厚者資爽塏也徙礮一亭而北者正方位也升啟聖祠而上者妥神居也樹空基爲迴廊而連者飾廟規也開兩便門於大成門而腋者避當中也殿

牙新挿以出簷而翬者備明制也名宦鄉賢移置於大成門外而峙者倣從祀也加創神庫而砌者重祭器也兼飾神厨而密者志芬薌也濬泮池而廣者滋風水也傍殿肇魁星二樓而翼者耀文明也官宅益十數楹而多者恤官師也墻垣更以磚石悉四面而週者壯觀瞻堅久遠也若夫閣之高至四丈二尺有奇垂簷三疊冠以琉璃衣以丹青爲一方巨麗敬一亭壯如閣簷二層頂攢八卦而十字絞角絕勝於他方殿之高齊於閣而亦二簷環以丹柱迴道轉角與閣亦無異其餘竦崇大率類此有者新矣無者補矣褊小者恢廓矣舛錯者變易矣規模一定繕緝旣精寓目有煥然之采對境有儼若之恪此諸糾諸施諸工役之與其力而皆孫公之心嗚呼聖道有顯晦文運有盛衰天理民彝之在人心無可漸滅公德政接美史夫子行且越擢後之人視此隨宜整理俾之日新則天地不朽聖廟不朽吾人尊尙先聖之念與俱提醒於不朽洪揚聖教永祐斯文胥賴於茲是又有望於將來之爲孫公者謹識

萬曆四十三年歲在乙卯孟冬吉日汾州府介休縣儒

學教諭事舉人榆石後學王策撰

重修虹霽橋碑記

汾水出自太原入於河其汪洋數百里滌洞旋轉以至  
余邑之西南谷口若歸國門際聖明一瀉浩瀚奔騰滿  
注其兩岸之山氣氤氳如蒸山麓有長橋卧於波上余  
嘗憑高遠望見若神龍翔舞而來水天蕩漾而應虹倚  
銀漢彩現雲端亦一方之勝槩也堪輿家謂太原一川  
之脉關闌於斯信不爽云然形勝之說儒者不道吾獨  
美虹霽一橋蓋晉陽土易汾水善潰倏忽遷流橋梁因  
功故斯所徑非舟莫渡惟此谷連山參差土勁多石是

以泛濫橫肆之勢至此若聽約束而津梁不受衝損若  
乃秋水時至萬頃一碧地勢冥迷泥沙决裂舟楫不運  
深淺難測彼汾一方嗟限南北斯橋獨以天邊一虹通  
全省之血脉是非太原一川之脉關闌於斯實太原一  
川之脉疏通於斯也而橋斷石殞如斯人何鄉耆衆糾  
首等夙有利濟之意共爲扼腕道士李常靜苦練身心  
遇修葺頂踵從之故協力經營於今年三月告成計圮  
之日僅半載餘也又增牌坊二座如左右翼起三官廟

於西以鎮之余嘉數父老及道士之功爲全晉利賴無窮也故爲之記

崇禎二年天啓甲子舉人馬初登撰

創修介休縣外關磚城記

易曰王公設險以守其國又曰重門擊柝以待暴客自古設都立邑有崇墉深隍以固內必有重垣複郭以防外堂奧門庭蓋不得畸重云三晉故稱天府四塞而汾州之介休南扼河津北捍恒原東通榆關西連秦塞衝衢四達尤爲巖邑重地城以內廣輪十里文獻淵藪城以外燁火鄰鄰商旅絡繹輻輳久爲探丸揭竿者

所耽視嘉隆間變起倉卒幾罹堙井墟社之禍邑人士懼甚乃謀築內城易土以甃奠基以石雉堞雲連睥睨霞映而城外竟以力竭中止陂陀土垣因循漸圯跛羊可躋矣數年來流寇猖獗所在蹂躪有識者咸欲壯外以固內然非常之原黎民懼焉則首事難鳩工庀材以數萬計當三空四盡之時旦夕烏能底厥績則物力經營難出納餼廩勞怨叢集道旁之築空殿盈庭之咎誰執則堅厥志以觀厥成難有此三難故雖風鶴驚心屢

議屢廢而侍御張君獨慷慨誓衆曰柰何以萬世利徂  
目前自阻哉遂獨出千金爲紳衿倡侃侃上疏云臣邑  
當三晉之衝土城非百年之計守城必先守關修關勝  
於修城關之弗守卽金湯屹屹何益乃事臣雖寒素當  
首倡捐助以共保此一塊土疏入天子可其奏乃布諭  
諭乃勅撫按乃簡有司執事乃集素封關防課終事而  
端責成一時急公誼篤售逃地者數百頃爭先樂輸出  
囊金者千萬家子來恐後經始於己卯仲夏告成於癸  
未仲秋崇卑有度瘠厚有基礎以盤石苞如億如覆以  
有奇厥高四丈有奇濶如蛇蟠橫崇六吉峙五曜合軫  
垣鞏而慶窳開費金錢四萬司農之度支未動鎔朱闕  
日月四載閭閻之科派未擾尺寸厥功懋哉旣落成侍  
御乃徵余言以垂貞砥余按春秋重力役有成必書有  
築必書蓋以興萬世利非快輿情而破隅見無以堅厥  
志而觀厥成是役也意裁於上者撫按潘臬也若於  
下者守令水尉也而破隅見以抗疏首事慨輿情以堅  
志觀成者侍御張君之力居多侍御邑人名煊戊辰科

進士其紳衿倡義共濟如吏部稽勲司員外郎董君諱  
直愚諸公宜並泐於左以爲衆志成城之勸

順治四年歲次丁亥國史編修北海安丘劉正宗撰

董公義修文廟碑記

孔子祖述憲章上律下襲所謂道集大成後人不能贊  
一辭也亦不敢贊一辭從古帝王肇興輒詔天下建學  
欲其闕厥壯麗凡以妥吾夫子也介學不知創自何年  
久而凋殘殆甚聞明朝神宗時涓上史公嘗爲修飾壽

張孫公與榆石王廣文不喜其凋殘

今歷四十餘年風漂雨漬墻垣傾圮棟宇摧折丹顏亦

少爲黧色矣邑庠董公每於朔望瞻拜不勝欷歔文不

敢獨爲君子嘗誠同志曰吾儕翱翔禮樂之林沐浴文

明之化章縫翩翩何忍坐眎此頽敝景象耶禁何有其

心者之青蚨擁其財者恡紅朽於是獨力仔肩丙夜經

營畫則糾工匠購物料材木易以精良垣墉期於鞏固

雕龕鏤閣刻桷丹楹舉几筵棹題神庫神厨之屬靡不

一一更新改董公之爲人性勤而行恭謹自几幃以至

閭閻持已接人無少愆儀凡修諸神廟如八蜡祠等並



竭力輸助至吾夫子尤盡心力殫財物推而及梓潼帝君行宮城頭奎樓俱丹碧琉璃艷然賞心娛目厥子郡庠正紳善繼乃志於已修者細加補葺未修者不難創置如石棟牌坊之類種種營造總之皆以崇重吾夫子也自是遊學宮者誦詩讀書心領而身體之懿行嘉言傳示萬禩斯不負董公修學之意也哉豈僅揆藻摛華以博青紫耶聖靈默佑董公子孫將有振振繩繩光大家聲未有艾者矣是役也經始於明季辛未年相延於清興之乙未丙申間猶修飾未已有言君恩貢日扶桑君恩貢日扶桑君在如來貢侯君等咸與贊成焉今董公物雖故矣闔學諸公不忍沒其美以余與正紳兄素同硯席請余撰章以誌不朽云董公諱爾型增生邑之西北坊人三子正紳鼎紳堅紳俱庠生

順治十四年歲在丁酉純陽首夏邑人宋奇傑撰

### 介山分界碑記

靈民與介民壤址相接控爭綿山甚久矣辛亥之春予奉委會同靈石介休兩縣會勘復勘登山歷眺至再至

三其山延袤廣大連亘三邑東抵沁源北接介休山之  
支派甚多因地异名各有屬轄經介山南之坡爲陽坡  
地名有北塔鉤紅嚴村柏溝峪大小柏溝村介神廟諸  
處屬靈石縣地山北之坡爲陰坡地名有說法臺抱樓  
山陶圪塔饅頭山與地村等處屬介休縣地俱以山嶺  
中脊陰陽爲界下以柏溝村與地村二溝合流總架水  
心爲界兩縣水地犬牙排列井井不紊此言封疆一定  
形勢燦然在目予以靈介之地之長屬地各異均  
朝廷封疆內之百姓也復於康熙十一年七月二十日

有同介休之兩縣令及署事於義棠驛焚香誓曰今  
日奉上委之毋省雖小民構訟之刁實係封疆之重敢  
有一念唯徇同法良民則陽膏王鈇陰被神譴分門立  
戶者必受法門絕戶之慘矣彼時萬耳萬目實共見之  
矢公矢慎備新看詳並摹畫山圖具呈汾平兩府及各  
上臺洞鑒矣事連兩載未決幸介休縣新任李公復請  
詳隨經學憲董公親勘登山上覽陰陽山脊下察柏溝  
與地二溝合流水心界限與畫圖詳看中語歷歷不爽  
亦無疑議迺復藩臺議詳撫院批允結案靈介之界俱

如所請今據介休士民等刑案成狀並請鑄石余曾以  
看詳中統列甚晰母容再贅所願望者靈介兩民世守  
山脊中分陰陽下分柏溝與地二溝合流水心界限遵  
憲垂示兩母侵越永杜爭端畧摘要語聯記奉委之始  
末云孝義縣知縣陳之文撰議壬子夏之仲月捧檄始  
抵介休任民改改以爭山訟承問者各爲其民各爭其  
土雖屢勘歷詳經年曠月訟尙未有艾也余取前會勘  
卷悉目之而喟然曰余今爲介令是當爲介山主雖古  
之開田有讓者今當仁余其敢讓乎且民病於訟而  
其時三農害則邑大厲欲民之安也其何日之有余亦  
疲於奔走者屢僕僕矣遂力請於上蒙撫院委學憲平  
其訟焉董公遂親踏勘見山之陽坡屬靈石山之陰坡  
屬介休地界甚明更稽之碑誌甚確歷查會勘之招詳  
甚悉乃中劈山之脊而分隸之奸民始帖然服罪而去  
訟遂以息夫此介山一拳石耳在國典則疆域之正否  
係焉在百姓則一邑之利害分焉故曰仁政必自經界  
始經界不正則邑民受山水之害禍有甚於盜水決陂  
者靈之民侵之者以漁利也介之民必爭復者以遠害

也夫漁利之與遠害其曲直相判洞之者若觀火矣於  
民得復反其疆非予所能也始之持其平者孝義陳公  
也中之嚴其斷者學憲董公也終之主其事息其民者  
撫憲與藩台兩大人也予何力之有焉爰書以勒於石  
非序績也如春秋所書係虎牢於鄭係彭城於宋得正  
封守之意云爾

康熙十二年知縣李鍾盛撰立

枹腹巖地租香火碑記

縣治南距城五十里許有綿山焉山之嶺乃枹腹巖雲  
峯寺建自大唐蓋空王古佛化身地也嶙峋峭壁古洞  
天成山奇形異松栢森森瑞雲藹藹秀色重重祈雨澤  
隨禱卽應威靈之暨衆姓瞻仰諸如景致多端風水所  
關不一而足載碑記者甚多余不爲之贅述其巖居半  
山中上山高峻攀援百丈之鐵索嶺徑持難於耕種因  
而周圍山厰居民出租承種手足胼胝每歲所獲上供  
古佛香火補修殿宇供億十方下備貧民俯仰之資歷  
唐宋以來非一朝一夕也奈何世遠年淹土棍串謀勢  
豪垂涎兼愍不畏死之輩欺神挾民竟將古佛香火地

霸爲己業一山居民畏其勢本寺住持避其惡數至於斯神人共憤奸惡得計據爲不拔基久假不歸若固有之孰知天道有循環氣數有轉移貪腹一滿勢必至傾覆若或使之而訟端起焉被人訐告不可謂非古佛之靈也庭訊下髮寸寸指凡係古佛香火地仍悉斷雲峯寺經管收租永爲香火等資費本分居民寫約砍種務要住持情願不法匪類不得串勢豪而欺常住持強霸而挾貧民其諸馬跑泉東至秋阡嶺西至逃串則南至鷓子橋北至上馬石又有東西去利民泉煤窰車轅山東五龍西五龍說法臺西水溝東水溝樺皮菴堯圪塔饅頭山等處俱係雲峯寺收租掌管但人心不古而跋扈虎狼接踵而生再若年深久遠又不無強霸如今日者其上山砍柴者不可攔阻故爲勒之貞珉世世相傳以永垂無弊云

康熙二十四年知縣李應龍立

鸞鷲泉水利碑記

狐岐山鸞鷲泉勝水灌溉農田數十村其利甚溥自宋文潞公分濬三河開千百年水利之原厥後強豪霸爭

東河據上流而獨行尙無多慮中西兩河同源分派患  
害叠出有不可勝言者萬曆間一經於一魁王公之正  
定再經於記事史公之均平計地立程挨次輪灌更設  
水老人渠長給與印信簿籍分時刻以澆地始於三月  
之初三日終於八月之初一日舊規載在邑乘垂諸碑  
記無容紊亂者也迨順治年間法久弊生屢訟屢議紛  
紛不已官民究無定法今因夏月亢陽雨澤愆期農民  
急需河水灌田中西兩河之民告石同人每藉坑塔混  
水使中霸西使西霸中之弊以霸水殺衆永除霸害爲  
詞不同村告西河人有五分作一刻之弊以私增水刻  
紊亂舊規爲詞本縣據詞審斷令西河人將五分作一  
刻之弊永爲革除至果有分毫者止使分毫之水亦不  
得假冒一刻又思水各有地地各有主何有坑塔水之  
禍致令霸爭不已也遂押石同村人各開花名水册各  
造時辰分刻與中西河有水分者無異至如使中霸西  
使西霸中之弊尤爲霸水根由下流受害之原此弊不  
除雖花名各直恐霸害如故何以息訟而安民本縣展  
轉思維欲求所以革除積弊之法問石同西河水若干

中河水若干西河水老人應曰石同應得西河水六分  
大約於七十日之內該用九程十一時石同應得中河  
水四分大約於四十五日之內該用四程五時一刻三  
分五釐合中西兩河之水共使一十四程四時一刻三  
分本縣又思石同中河水於四十五日之內計該水五  
十三時二刻三分五釐則西河七十日之內自然該水  
七十九時七刻五分二釐五毫然兩河水分多寡不齊  
因設一借水還水四六折筭兩河並行之法使石同人  
於七十日之內用西河七十九時七刻五分二釐五毫  
用中河水七十九時七刻五分二釐五毫再補以四六  
折筭之水借中河二十三時三刻四分八釐五毫此外  
中河人又貼石同放程水七刻四分以上筭來石同人  
各河共該使一百四時四刻一釐此四六折筭兩河並  
行之法也於石同西河九程十一時中河四程五時二  
刻三分五釐之原額毫無增減耳西河人將所借中河  
時辰亦用四六折筭之法還中河六分水一十四時四  
刻五分九釐外浸河水一時如此通變則各使各水兩  
河之原額不增不減下流之憤氣可息可平又何受使

中霸西使西霸中之害哉此法得之紳衿父老幾經籌  
踏幾費斟酌似乎公而無偏矣猶恐輿情未協因詣城  
隍廟矢公矢慎面諭兩河與石同村各紳衿士庶有水  
分者並各處鄉耆水老人渠長人等共酌可否中河士  
庶侯養徵等同聲應曰公西河上庶溫養定等同聲應  
曰公石同士庶楊魁玉等同聲應曰公惟其僉曰公矣  
則人情可平法行可久石同與中西兩河之民可以各  
自安分灌溉而上河永不能浸奪下河矣至輪牌舊例  
起於三月初三日止於八月初一日今則不可拘執論  
也八月田苗尙需澆灌何可停牌不週以起農民混亂  
霸爭之端乎本縣爲爾民酌爲改定至九月寒露後輪  
牌方許停止此本縣均水息訟之微意也較之王史二  
公之法雖稍爲更張然各家水程原額仍舊何妨通變  
於其間尤恐時移勢異強豪日久生奸因命工鐫石樹  
碑於本縣儀門永遠垂爲定例俾後人不得紛更焉  
康熙二十九年知縣榆陽王埴撰立

介休縣重修鐘樓記

朝廷以百官致治而於今寄百里之命以親民事生養



教化而外理繁治劇無可委亦無可待卽一土一木補  
苴罅漏皆視其才與勤否而不可假未有因循叢脞之  
處能利用大作愁苦怨咨之邑能已事過往者也詩云  
百堵具興又云庶民子來固牛刀之游刃抑亦比諸采  
詩觀風則序記所由來矣邑侯王公以闕闕名儒分符  
介邑下車來凡所以遂民之生者罔弗周也凡所以祛  
民之害者罔弗力也其諸築城鑿池葺大小行署立西  
關廛市蒞政之明年捐所入俸遴父老勤敏者七人鳩  
工庀材且詳而簡不速而成也復暇日嘗周章東顧曰  
繫轟然雄峙非明神宗時關中王公一魁剏以栖鳧者  
耶今胡鷺孤振振乃爾頗聞公善堪輿家言乃置茲巽  
地是爲文峯邇來數十人科第蟬聯可謂信而有徵於  
是經始於己巳七月落成于庚午四月是年十月趙君  
輔捷武闈明年王賜召捷南宮後先兩王公殷殷於幽  
明之故克副建官致治之實不亦益可徵哉抑余聞之  
鐘金奏也秋分之音萬物至秋而成又鐘之爲言動也  
節度之所生也有節度則萬物昌而公之所以遂民生  
而祛民害端在斯乎

介休縣志 卷之八  
康熙三十一年壬申介休縣教諭石博撰

三復泮水記

泮水之麗於學宮義取潛龍寧不須水以爲變化然非  
人所能爲也惟天造地設有神運焉分之於地而二十里  
許名狐岐勝水於茲發源每至三月三日則水漲其源豐  
而流長溉民田二百餘頃繞縣左而流於城下其物者若  
或畀之豈獨阜民將闡邑之形勝乎  
春闈學以復泮水請余問奚自曰自  
間叅藩于公鑿城穿渠引泮水入學城爲阻而泮水中  
之利而並行也後山水泛漲及築城爲阻而泮水中

水歷萬曆甲戌邑令康公復重修入學立有石碑以垂  
永久厥後不知何年又廢披閱碑文及行水故渠歷歷  
可據委屬百餘年來舊典漸可久湮隨集三河父老會  
議東中二河形格勢禁已不能至矣惟西河可達然分  
在民間者勺水不能動也獨有浸河水甚裕下從民議  
每月三次放水入學以初二十二廿二爲期五月十二  
入學之始期也是日引水至城下而水弗入會余以他  
務未至先期吏備祀儀於側三學博肅禮祭之水始溢

然進城謂非有神運不可士民連袂聚觀喜可知也蓋其大者盡以灌田其餘波所及以修文事卽不能如嘉萬間源源而來然權宜於久廢之後百年曠典復之一朝泮水於今爲三舉矣益信天造地設豈偶然哉夫潛龍得水有所乘以變化願諸生勉旃是役也督水城外丞君有力鑿水城內學博楊君有力余適樂觀其成勅之貞珉永矢勿諼憲憲令德作如是觀

御製封潔惠侯祭文

曰惟神之生嘗以羈勒從晉侯行天下而不言祿晉人思之卒與其母隱死於深山而不顧可謂忠廉自信士則其歿也宜爲明靈血食於土守臣來告有禱必從庶民之德是不可以無報錫命侯爵神其享之特封潔惠侯

御製祭御史張煊文

曰今生者臣子之誼卹死者朝廷之恩特沛龍章追光馬鬣爾浙江道御史加一級張煊秉心霜肅論事風生騷去烏臺壯披丹而入告鶴歸華表嘆化碧以非辜躋幽秩於清卿庶酬素志籠遺昆以撫仕用慰輿情特賜

祭一壇給與全葬桂餌椒漿少釋九原之痛豐碑宿草  
長昭三錫之榮爾靈有知尚克歆享

清明祭介神詞文

李先成

綿山所鍾晉盡所封也節邇清明寒食萬世泄其所餘  
食其所遺恍昧厥斯義也哉遐想艱難倘嘗割股食君  
忠也亡人執隨卜其天與知也要市於若羞與同伍義  
也言可文身隱不求顯廉也遵母義誦德以偕隱孝也  
山林盡焚抱樹而斃節也志難佐諱言蹈烈火權也且  
也撐持氣運搏挽造化俾介于今民心沕穆士習醇靡  
詎非高風鑄範勁節鍾靈又况護維城社稷福生靈  
早晴厲祈無不應若惟神之靈肅山阿峙惟神之靈  
水同靈澤也叨任茲土敬兩儀之靈感木本泉源  
之恩修牲醴用陳明薦

臨隍廟宿壇祝詞

史記事

惟維奉命來蒞茲土司典神祀務民義一考竹鳩要領  
履端是設官爲民也朝廷崇祀正謂明有所不達而祈  
神彌蔽通靈乃爲民之大者也如職或交或剋剝或  
瘠民肥己或聽賜不公或任臆不法鑒在神或職心思

不周職見不到情懇而力不及意憤而神不與啟在神  
如民屬有冤抑未伸巨猾在漏杳杳然蔽於疑信者  
亦啟在神俾神之神與職之神通職之神又與民之神  
通庶幾彼神與職俱無負朝廷崇祀設官之典乎倘神  
啟佑我而我民是爲則殃咎何道如職日夜靈應是  
祈而竟寂寂無所發動是神負職明禋之謂何特具誓  
辭仰祈神鑒

禱雨文

王 埴

惟神職司雨澤德濟羣生順陰陽摩盪之和甘霖降而  
萬民樂育騰江海流行之水膏澤沛而百穀豐登於  
春夏之交正值耕種之候數月不雨麥禾將枯民物  
斃朝野生憂埴職司民牧待罪一方心憂旱魃志憫  
艱體一人出已之懷念百姓望寬其咨之嘆豈天  
灾流行氣鬱有愆伏抑人事乖違亢陽由之示警反  
躬責已滌慮祝神苟政治失理職之咎也乃民不聊生  
神其忍乎備物將誠仰祈神鑒恤黎庶之疾苦拯一方  
之性命伏祈雷鳴風動甘澍普降郊原雲行雨施天澤  
流溢滂沱庶土膏潤而三農樂業風雨調而百室胥慶

矣虔禱龍神早賜惠澤尚饗

### 祭風文

惟神德參造化鼓天地氣機之運職司動盪助萬物生發之功東風至而啟泰扇和南風薰而阜財解愠歲功之成百谷之豐皆神鼓舞之所致也

聖人在上正宜休徵協應胡乃氣化疾風頻發黃埃飛畝畔夏麥搖折而將枯沙塵職宰職宰三職志職志憫凶荒敬畏布種百室其咨羣物待斃職宰三職志職志憫凶荒敬畏

天變齋志告虔伏祈順時贊化停二西北之疾發和動宜民吹噓萬彙之性情庶風調則雨順墊有夏熟秋成之望抑戾去則物生人慶五風十雨之休矣尚饗

### 審編誓城隍文

竊惟國邑民生惟神護佑之善惡利弊惟神糾察而彰瘡之茲當五年審編國課民生成於此繫焉壘謹遵功

令軫念民瘼務期秉公持正上抒國課之艱釐奸剔弊下甦民生之命按里稽甲考丁均徭倘或徇情曲庇陞擦有私違道干譽樂苦多偏神明是殛如有勢豪奸究包攬鑽營蠹書猾吏那移詭寄神其宥之乎謹告於神

仰祈赫鑒

陶齋政績序

王

傑

平遙令

國家區海內之地而設之邑舉邑之人民社稷而授之  
 宰其責綦重其事慕難而尤莫難於塗之衝役之繁地  
 之瘠民俗之悍勁撫綏安輯之煩苦官是土者操不潔  
 心不精才力不肆應雖竭蹶為之鮮克見其有濟也甲  
 戌夏予受任山右之平陶陶之東祁縣西介休秦蜀二  
 省上達

神京道必由此塗衝役繁洵莫此若拜

前後惟競競不克勝任是懼迨抵任先予攝事為介令陶  
 齋予同姓兄也兄世籍榆林代多勲伐其政聲洋溢

碑久矣比相接見其個儻磊落復莊重寬仁凡陶所應  
 為悉已區畫越數月時以公事過介按其地察其俗歷  
 悉其往來供億蓋平介同之而介之治效殊矣予既得  
 之目擊復聞之都人士之口異績嘉猷難更僕數即如  
 挑濬城河防水患也祛除壅積通周道也西關屋肆釐  
 然整飭市樓鐘鼓煥乎重新設義學以養蒙人材育矣  
 著鐸書之訓解風俗端矣審編而陞擦無私賑濟則解  
 囊不惜諸如城垣教場及三壇之應修者罔弗捐俸繕

理凡重使之經其地者驛遞酌應弗徇弗疎而績之最著尤在留心民瘼加意撫循吏畏民懷蓋數載如一日也然則介之爲邑雖甚衝繁其地與俗撫循不易而吾兄奏刀砉然悉中理解非其操之潔心之精才力之肆應何以得此循卓之稱不次之擢兄宜膺之無媿也平邑之難與介等而民生凋敝殆復過之兄之治介則得矣予將何以自効耶雖然成軌在前見善興起予竊有志茲因介邑修乘特書兄政績爲後事之師如云阿狗言諛附宗姓則有介之士大夫并父老子弟在其